

Obraćanje predsjedavajućeg Predsjedništva BiH Šefika Džaferovića na manifestaciji „Odbrana BiH – Igman 2020“

6.8.2020 15:30:49

Danas smo ovdje da se prisjetimo bitke na Igmanu, jedne od najznačajnijih bitaka tokom odbrane od agresije, u kojoj je Armija Republike Bosne i Hercegovine izvojevala veličanstvenu pobjedu.

U ljeto 1993. agresorske snage imale su plan da zauzimaju Igman u potpunosti zatvore obru oko Sarajeva i presijeku i posljednju vezu glavnog grada naše države sa ostatkom zemlje. Da su u tome uspjeli, posljedice bi u vojnom, strateškom i političkom smislu bile pogubne za odbranu Bosne i Hercegovine.

Iako višestruko tehnički nadmoćnije, agresorske snage nisu uspjele u svojoj nakani. Nisu uspjele jer su naspram sebe imale herojsku Armiju Republike Bosne i Hercegovine, armiju časnih ljudi koji su se borili za ispravne ciljeve, za svoju domovinu, za slobodu, za dostojanstvo, za istinu, za ideju nezavisne Bosne i Hercegovine, države ravnopravnih ljudi.

Upravo u tome i jeste bila najveća snaga Armije Republike Bosne i Hercegovine.

To je jedina oružana sila u ratovima u bivšoj Jugoslaviji u čijem postojanju i borbi ne postoji mrlja. Ta armija je u najvećoj mjeri bila sastavljena od Bošnjaka, ali je u svojim redovima imala pripadnike svih bh. naroda. Ta armija, za razliku od agresorskih snaga, nije činila masovne organizirane zločine, nije poduzimala udružene zločine koje poduhvate, etničko čišćenje, ubistva i mučenje civila...

Dok su drugi sistematski i organizirano činili zločine, na teritoriji pod kontrolom Armije RBiH i jedine legalne i legitimne vlasti predvođene rahmetli Alijom Izetbegovićem, zločini su sprečavani i sistematski kažnjavani. I u tome je ključna razlika između nas i njih.

Da, bilo je pojedinačnih zločina koje su počinili i pripadnici Armije RBiH. Mi smo te zločine osuđivali i uvijek ćemo osuđivati. Nemamo nikakav problem s time.

Ono što ne možemo dozvoliti jeste da se iskonstruisanim optužnicama protiv časnih ljudi, oficira Armije RBiH po svaku cijenu pokušavaju izjedati strane u ratu. Dio tih optužnica već je odbačen na sudovima. Svoju čast i nevinost dokazali su neki od naših najhrabrijih ratnika, poput Ahmeta Sejdića i Namera Orića. Ubijen sam da i ostali optuženi iz procesa koji traju iza rešetki i slobodni, ista obraza i uzdignute glave.

Poštovani prijatelji,

kao što nismo bili isti u ratu, nismo isti ni danas. Svjedoci smo tome i posljednjih dana, kada vidimo da se u komšiluku nagrađuju optuženi za ratne zločine, bjegunci od pravde, te da zločinac koji je naredio osnivanje logora Sušica u Vlasenici postaje član državne skupštine.

U BiH već godinama na jednoj strani svjedočimo osporavanju pravosnažnih presuda

me unarodnog suda o udruženom zločinu kom poduhvatu, a s druge još težoj i pogubnijoj praksi da se presuđeni zločinci nagrađuju, a njihov zločin slavi.

Politike koje to rade ne će uspjeti time ni najmanje izmijeniti istinu o onome što se tokom agresije na našu zemlju događalo, ne će uspjeti promijeniti nijednu jedinu presudu bilo kojeg suda, niti će iz našeg kolektivnog sjećanja moći ikada izbrisati slike zla koje smo preživjeli i koje pamtimo kao opomenu da nam se više nikada ne ponove.

Te politike, takvim postupcima, ustvari, najviše govore o sebi. Govore da nisu odsutale. Toga svi zajedno moramo biti svjesni.

U tom smislu u posljednje vrijeme pokušava se napraviti nova podvala, pa se rješenje za Kosovo nastoji povezati s Bosnom i Hercegovinom. Moja poruka im je – okanite se toga, jer između BiH i Kosova ne postoji nikakva državno-pravna poveznica, niti će ikada postojati. Jedina poveznica BiH i Kosova su zločini i etnička čišćenja koje su počinili Miloševićev velikosrpski režim i njegovi sljedbenici.

Šalju nam se i druge poruke, i retoričke i praktične. To nas ne će uplašiti, ali hoće pojačati naš oprez i našu odlučnost da štitimo interese Bosne i Hercegovine.

Dragi prijatelji,

svima nam je jasno da borba za Bosnu i Hercegovinu i dalje traje. Srećom, umjesto metaka i granata, vodi se borba političkim sredstvima.

Na jednoj strani su snage koje žele dezintegraciju države i podjele među njenim narodima i građanima, na drugoj one koje žele reintegraciju i ravnopravnost svakog čovjeka na svakom pedlju naše domovine.

Na jednoj strani su oni koji misle da svoju sudbinu i interese mogu vezati sa susjednim zemljama, na drugoj smo mi kojima je Bosna i Hercegovina jedina domovina, i koji rezervu nemamo. Na jednoj strani su oni koji raznim blokadama i ucjenama žele obesmisлити samo funkcioniranje države, a na drugoj mi koji uprkos tome i uprkos njima uspijevamo strpljivo stvari pomijerati u korist države Bosne i Hercegovine.

Na jednoj strani su oni koji žele usporiti ili zaustaviti put Bosne i Hercegovine prema Evropskoj uniji i NATO savezu, na drugoj mi koji korak po korak vodimo zemlju u tom pravcu.

I budite sigurni, oni ne će uspjeti, mi hoćemo.

Oni ne će uspjeti jer nisu uspjeli ni onda kada su bili mnogo snažniji nego danas - niti su sada jaki kao što to vole misliti o sebi.

Mi hoćemo uspjeti, jer su ljudi koji vole ovu zemlju mnogo jači i odlučniji da je sačuvaju, nego što to oni misle.

Ponovo ih pozivam da se okane secesionističke i nacionalističke politike, jer rezultat toga nikada ne će biti podjela BiH, ali rezultat hoće biti gubljenje dragocjenog vremena, usporavanje napretka

države i njene ekonomije, odlazak mladih ljudi. To nikome nije u interesu.

Bosna i Hercegovina je kroz historiju nadživjela sve one koji su na nju nasrtali.  
Nadživjele i ove današnje.

Hvala vam.